



**Islandimi præsidentip  
Guðni Th. Jóhannessonip  
kalaallit**

**Naalakkersuisuisa Nuummi Hans Egedep Illuani  
nerersuaqatiginerani oqalugiaataaforseta Íslands  
Septembarip 24-ani 2019-imi**

Ataqqinartoq Naalakkersuisut siulittaasuat, Kim Kielsen  
Naalakkersuisut,  
qaaqqusaasut allat

Asasavut avannaarsuarni sanilivut, nuliaralu Eliza Kalaallit Nunaannut  
tikeraarnitsinni tikilluaqquneqarnitsinnut inussiarnisaarfigineqarnitsinnullu  
qujavugut.

Ilumut, nunarujussuarmi sanilerisatsinni imaannaanngitsunik  
atugassaqarlunilu periarfissaqartumi tikeraarpugut. Inuaat ikinngutitta  
siuariartornerannik malinnaavugut, sutigut tamatigut suleqataarusulluta.  
Ingerlalluarnissassannik kissaappassi.

Nassuerutigisariaqarparput uagut Islandimiut Kalaallit Nunaata  
oqaluttuassartaa ilisimasaqarfigisorsuunnginnatsigu, taamaattumillu uagut  
isitsinnit isiginiarnerusarlutigu. Atuarfimmi ilinniarparput ukiut tusindit  
sinnerlugit matuma siornagut qallunaatsiaat Islandimiit kimmuit aallarsimasut  
nunalu Grønlandimik atsigartik nassaaralugu. Qallunaatsiaat nunasisut sumut  
pisimanersut paaserusuttarparput, sooq ukiut untritrialuit qaangiummata  
periarfeerussimanersut. Uagullu Islandimiut nammiliivinnissarput  
sulissutigleratsigu inuit ilaat oqalupput, Islandimi inuaat taamanikkullu maani  
nunasisut inissisimancerat imminnut assersuunneqarsinnaanngitsut, uagut  
pisinnaatitaaffiginerullutigu ilissiunngitsoq. Ukiut untritilikkaat kingulliit  
aallartilaarmerani Islandimiut ilaasa aamma Kalaallit Nunaat pigilemiarsaraat.

Taamatulli isiginnittaaseqarneq qujanartumik oqaluttuaannaanngorsimavoq. Maanna kalaallit ingerlarsortut malinnaavigaavut, qularnanngitsumilli maani ineriaartorneq malinnaaviginerusinnaavarput.

Ukiualuit matuma siornagut oqartoqartoq tusaavara uagut Islandimiut qaammammi susoqarnersoq ilisimanerugipput maani nunami qanigisatsinnit annertunermik. Immaqa tamanna ingasattajaarnerulaarsinnaavoq – uagummi ilaannikkut ingasattajaalaartarpugut.

Aamma ilissi kalaallit oqaluttuarisaanersi ilisimasaqarfiginerusariaqarparput, Erik aappalaartoq malittaalu puigulaarlugit, maanilu nunaqartut malinnaavigalugit. Oqaluttuarisaanermi pikkunarpoq. Ukiut untrilikkaat ingerlaneranni inuiaat nunarsuarmi nunat peqqarniinnerpaat ilaanni inuusimapput. Siuaassassi sikumi imaanilu periarfissamininnguit atorluarsimavaat. Kulturersi oqaatsisilu ullutsinni allanngoriartupiloornerup nalaani aniguisimapput, avataanit sunnerneqarneq tamatigut pitsasuunnaaneq ajortoq.

Inuuniallaqqissusaat ilissi qaaqqusisunaa tulluussimaarutigisinnaavarsi, nunassinni suliniarnissinni nukissanik aallerfigalugit. Imaannaanngitsuusut nammineq nalunngilarsi.

Qanoq pisoqassava? Siunissaq nalorninartoqaqisoq isumagisassarpassuaqartoq utaqqivoq. Ukioq manna siusinnerusukkut namminersorneq pillugu inatsit maani atuutilersoq ukiunik qulinngortorsiorneqarpoq. Nalliuottorsiutigineqarpoq, suli nammineq aalajangiisinjaassuseqarnermk paajuttoq. Siunnissamik toqqakkassinnik ingerlalluarnissassinnik kissaappassi, soorlu uagut Islandimiut tamaanikkut ingerlalluartugut, anguniagarput angusussanngoratsigu, allat susassaqartut akaareqatigineqartussaasut akaareqatigalugit.

Asasavut qaaqqusisuvut, asasavut kalaallit. Nunatta marluk attaveqatigiinnerisa nukittorsaqqinnissaannut Islandimiuiusugut qilanaarpugut. Aalisarnikkut takornarialerinkkullu suleqatigiissimavugut. Peqqinnissaqarnikkut, ilinniartitaanikkut kulturikkullu suleqatigiippugut, sulilu annertunermik Kalaallit Nunaata nunarsuullu sinnerata akornanni Island suli pitsaanerusumik akunniffingortissinnaavarput.

Ilumut ilinniarfigeqatigiissinnaavugut minnerunngitsumik ajornartoorfip nalaani. Silaannaap allanngoriartornera peqqutigalugu ajorluinnartumik pisoqarsinnaanera tamatta nalunngisarput ataatsimoorluta iliuuseqarfigissavarput. Ukiullu 25-it missaanni matuma siornagut Islandip avannaani inuppassuit inuunerannik naleqartumik aput sisoormat kalaallit ikiuiniarnerat puigunngisaannassavarput. Inuppassuillu eqqaamassajunnarsivaat kalaaleq Islandimut tikeraartoq aperineqartoq uagut Islandimiuiusugut kalaallinit

sunik ilinniarsinnaanersugut – tupaallannartumik akivoq, ilissimi uagut sunik ilinniarfigisinnaaneritsigut oqartuartarpugut. Tikeraaq eqqarsatsialaarpoq, sorpassuit uagut torrallatavut taajorlugit, oqarlunili immaqa Islandimiut kalaallit ilinniarfigalugit qungujunnerusarsinnaasut illarnerullutilu.

Asasakka aaqqissuisut, asasakka kalaallit: Qujanaq tikeraarsinnaagassi. Kalaallit Nunaat angeqisoq pigisarsi kinguaariillu tullisa siunissaat ingerlalluarnissaanut kissaappara. Islandimiut sinnerlugit asannittumik qujanarujussuaq